

3. gr.

Reglugerð þessi er sett samkvæmt heimild í IX. kafla laga nr. 6/1986 um afreittar-málefni, fjallskil o.fl. og lögum nr. 25/1993 um dýrasjúkdóma og varnir gegn þeim og öðlast þegar gildi.

Landbúnaðarráðuneytinu, 21. mars 1997.

Guðmundur Bjarnason.

Jón Höskuldsson.

REGLUGERÐ

fyrir Lífeyrissjóð lækna.

1. gr.

Nafn og heimili.

- 1.1. Sjóðurinn heitir Lífeyrissjóður lækna.
- 1.2. Heimili hans og varnarþing er í Kópavogi.

2. gr.

Hlutverk sjóðsins.

- 2.1. Hlutverk sjóðsins er að veita sjóðfélögum elli- og örorkulífeyri og eftirlátnum mökum þeirra og börnum maka- og barnalífeyri samkvæmt ákvæðum reglugerðar þessarar.

3. gr.

Sjóðfélagar.

- 3.1. Sjóðfélagar geta orðið allir íslenskir lækna og þeir lækna erlendir sem starfa eða starfað hafa hér á landi skv. kjarasamningum lækna.
- 3.2. Elli- og örorkulífeyrisþegar sjóðsins teljast félagar.
- 3.3. Þeir sem, óska að gerast sjóðfélagar, skulu senda stjórn sjóðsins umsókn þar að lútandi á eyðublaði, er sjóðurinn lætur í té.
- 3.4. Stjórn sjóðsins getur krafist upplýsinga, þ.á m. læknisvottorðs um heilsufar manna, er sækja um upptöku, ef heilsu þeirra er svo háttáð, að verulega aukin áhætta fyrir sjóðinn stafi af.

4. gr.

Stjórn sjóðsins.

- 4.1. Stjórn sjóðsins er skipuð þremur mönnum og þremur til vara, er skulu vera sjóðfélagar.
- 4.2. Stjórn Læknafélags Íslands tilnefnir 2 menn í stjórnina og 2 til vara en aðalfundur sjóðsins kys 1 og 1 til vara.
- 4.3. Kjörtímabil er 3 ár og má eigi endurkjósa stjórnarmenn meira en 2 kjörtímabil í röð.
- 4.4. Stjórninni er skylt að halda gerðabók og færa í hana allar samþykktir sínar.
- 4.5. Stjórnin kys sér sjálf formann.
- 4.6. Stjórnin sér um rekstur sjóðsins samkvæmt reglugerð þessari.
- 4.7. Stjórnarsamþykkt er ekki lögleg nema a.m.k. tveir stjórnarmenn greiði henni atkvæði.

5. gr.

Aðalfundur sjóðsins.

- 5.1. Aðalfundur sjóðsins skal halda í september eða október ár hvert.
- 5.2. Stjórnin boðar til aðalfundar bréflaga með minnst tveggja vikna fyrirvara. Í fundarboði skal tekið fram um eftirtalin dagskráratriði:
 1. Skýrsla stjórnar
 2. Fjárreiður sjóðsins
 3. Tillögur til breytinga á reglugerð sjóðsins
 4. Kosning stjórnar
 5. Önnur mál
 Allar tillögur um breytingar á reglugerð sjóðsins, sem bera á undir aðalfund, skal senda með fundarboðinu.
- 5.3. Aðalfundur er lögmætur, sé löglega til hans boðað.
- 5.4. Einfaldur meirihluti atkvæða nægir til allra samþykka á aðalfundi nema breytinga á reglugerð þessari.

6. gr.

Reikningar sjóðsins, endurskoðun og afgreiðsla.

- 6.1. Reikningsár sjóðsins er almanaksárið.
- 6.2. Reikningar sjóðsins skulu endurskoðaðir af löggiltum endurskoðanda, svo og af félagslegum endurskoðendum Læknafélags Íslands.
- 6.3. Stjórn sjóðsins er heimilt að semja við Læknafélag Íslands eða aðra aðila um, að þeir annist afgreiðslu fyrir sjóðinn.

7. gr.

Tryggingafræðileg athugun.

- 7.1. Fimmta hvert ár skal stjórn sjóðsins fá tryggingafræðing til að reikna út fjárhag sjóðsins.
 - 7.1.1. Hann skal semja skýrslu um athugun sína og gera upp efnahagsreikning á grundvelli útreikninganna.
 - 7.2. Telji tryggingafræðingurinn, með hliðsjón af kaupgjaldspróun og öðrum atriðum, sem máli skipta, rannsókn sína leiða í ljós, að fjárhagur sjóðsins sé ótryggur, skal hann gera tillögur til sjóðsstjórnar um hlutfallslega lækkun lífeyrisréttinda.
 - 7.2.1. Er stjórninni skylt að fara eftir þeim tillögum nema tryggingafræðingurinn telji aðrar ráðstafanir hennar fullnægjandi.
 - 7.2.2. Telji hann hins vegar aukningu lífeyrisréttinda á rökum reista, skal hann gera tillögur um hlutfallslega hækkun þeirra.
 - 7.3. Sjóðsstjórn má aldrei auka réttindi meira en tryggingafræðingur hefur gert tillögur um.

8. gr.

Ávöxtun á fé sjóðsins.

- 8.1. Stjórn sjóðsins sér um ávöxtun á fé hans og skal það gert á eftirfarandi hátt:
 - 8.1.1. Í ríkisskuldabréfum.
 - 8.1.2. Í skuldabréfum, sem tryggð eru með ábyrgð ríkissjóðs.
 - 8.1.3. Í skuldabréfum sveitarfélaga, með trausta rekstrarlega afkomu og fjárhagslega stöðu.
 - 8.1.4. Í bönkum og sparisjóðum.
 - 8.1.5. Í skuldabréfum tryggðum með veði í húseignum allt að 50% af brunabótamatsverði eða, sé brunabótamat ekki fyrir hendi, þá af matsverði, sem ákveðið er af tveimur mönnum sem fjármálaráðherra tilnefni og allt að 75% af fasteignamatsverði lóða í kaupstöðum og kauptúnum.

- 8.1.6. Í skuldabréfum stofnlánasjóða atvinnuveganna, fjárfestingastofnana eða annarra lána-
stofnana en getið er hér að framan enda starfi þeir samkvæmt sérstökum lögum eða
sému undir eftirliti bankaeftirlits Seðlabanka Íslands.
- 8.1.7. Í hlutabréfum.
- 8.1.8. Í skuldabréfum fyrirtækja með trausta eiginfjárstöðu og góða rekstrarafkomu enda
sému hlutabréf viðkomandi fyrirtækja skráð á Verðbréfaþingi Íslands.
- 8.1.9. Í traustum erlendum verðbréfum og hlutabréfum, sem skráð eru á opinberum verð-
bréfamörkuðum í aðildarríkjum Efnahags- og framfarastofnunar Evrópu (OECD).

9. gr.

Iðgjöld og aðrar greiðslur til sjóðsins.

- 9.1. Sjóðurinn tekur við iðgjöldum, sem greidd eru vegna sjóðfélaga samkvæmt kjara-
samningum Læknafélags Íslands eða svæðafélaga lækna.
- 9.1.1. Heimilt er stjórn sjóðsins að taka við iðgjöldum, er einstakir sjóðfélagar skuldbinda
sig til að greiða sjálfir, að svo miklu leyti sem aðrar árlegar iðgjaldagreiðslur þeirra
veita ekki 1/3, 2/3 eða heilt stig, sbr. 10. gr.
- 9.1.2. Óski sjóðfélagi að taka upp eða hækka slíkar eigin greiðslur, gilda ákvæði 4. máls-
greinar 3. greinar, nema sjóðsstjórn telji breytinguna eðlilega afleiðingu þess, að
sjóðfélaginn skiptir um starf.
- 9.2. Iðgjöldum frá vinnuveitendum skal skilað til sjóðsins eigi síðar en tveimur vikum
eftir að þau féllu í gjalddaga.
- 9.3. Stjórn sjóðsins setur reglur um greiðslu, sem sjóðfélagar sjálfir inna af höndum og að
jafnaði skulu eiga sér stað mánaðarlega.
- 9.4. Sjóðurinn veitir ekki viðtöku iðgjöldum, sem greidd eru vegna sjóðfélaga, eftir að
hann hefur hafið töku ellilífeyris úr sjóðnum.
- 9.5. Heimilt er stjórn sjóðsins að veita viðtöku fé, sem sjóðfélagi óskar að yfirfæra úr
öðrum lífeyrissjóði, sem stofnaður er með lögum eða nýtur viðurkenningar fjármála-
ráðuneytisins.
- 9.6. Sjóðfélagar bera eigi ábyrgð á skuldbindingum sjóðsins nema með iðgjöldum sínum.
- 9.7. Stjórninni er heimilt að fella niður iðgjaldagreiðslur í mest 2 ár, þegar ungir sjóð-
félagar eiga í hlut og lenda í greiðsluvandræðum vegna framhaldsnáms erlendis eða
af öðrum ástæðum, sem stjórnin metur gildar.
- 9.7.1. Iðgjaldagreiðsla fyrir og eftir slíkt tímabil telst samfelld, sbr. 12.- 14. gr.

10. gr.

Grundvöllur lífeyrisréttinda.

- 10.1. Samanlögð iðgjöld sjóðfélaga hvert almanaksár skulu umreiknuð í stig, er mynda
grundvöll lífeyrisréttinda hans.
- 10.2. Til grundvallar stigaútreikningi skal leggja samanlögð grundvallarlaun ársins.
Grundvallarlaun í október 1995, kr. 164.742 á mánuði, skulu taka sömu hlutfalls-
breytingu og vísitala neysluverðs, sem reiknuð er og birt af Hagstofu Íslands skv.
lögum nr. 13 frá 6. mars 1995.
- 10.3. Stig ársins reiknast þannig að deilt skal í tíföld iðgjöld sjóðfélagans með grundvallar-
launum skv. 10.2.
- 10.4. Stig skulu reiknuð með þremur aukastöfum.
- 10.5. Fé sem yfirfært er úr öðrum lífeyrissjóði skv. 5. mgr. 9. gr. skal umreiknað í stig með
sama hætti og iðgjöld á því ári, er yfirfærslan á sér stað skv. 3. mgr. þessarar greinar.

11. gr.

Ellilífeyrir.

- 11.1. Hver sjóðfélagi, sem greitt hefur iðgjöld til sjóðsins í þrjú ár eða lengur, og öðlast hefur samanlagt a.m.k. eitt stig skv. 10. gr. og orðinn er fullra 67 ára að aldri, á rétt á árlegum lífeyri úr sjóðnum, enda hafi hann látið af aðalstarfi sínu eða takmarkað svo störf sín, að það, að dómi sjóðsstjórnar, jafngildi því, að aðalstarfi sé hætt.
- 11.2. Upphæð ellilífeyris er hundraðshluti af grundvallarlaunum eins og þau eru á hverjum tíma, sbr. 2. mgr. 10. gr., og nemur hundraðshluti þessi samanlögðum stigafjölda, sem sjóðfélaginn hefur áunnið sér, margfölduðum með 1.3.

12. gr.

Örorkulífeyrir.

- 12.1. Hver sjóðfélagi, sem greitt hefur iðgjöld til sjóðsins undanfarandi þrjú ár, hefur öðlast samanlagt a.m.k. eitt stig skv. 10. gr. og ófær verður til að gegna því starfi, sem hann hefur gegnt þangað til og eigi á kost á öðru læknisstarfi eða missir sökum slíkrar örorku einhvern hluta tekna þeirra, er hann hefur greitt iðgjöld af til sjóðsins, á rétt á örorkulífeyri, ef tryggingayfirlæknir, í samráði við trúnaðarlækni sjóðsins, metur örorkuna 40% eða þar yfir.
- 12.2. Örorkumat þetta skal aðallega miðað við vanhæfni sjóðfélaga til að gegna starfi því, er hann hefur gegnt að undanförmu og greitt iðgjöld af í sjóðinn.
- 12.3. Hámark örorkulífeyris miðast við áunnin lífeyrisrétt skv. 11. gr. að viðbættum lífeyri, er svarar til meðaltals stiga undanfarandi þrjú ár margfaldað með árafjölda þeim, sem eftir er til 67 ára aldurs sjóðfélagans.
- 12.4. Örorkulífeyrir er sami hundraðshluti af hámarksörorkulífeyri og örorkutapið er metið.
- 12.5. Skýlt er öryrkja, sem sækir um örorkulífeyri úr sjóðnum eða nýtur hans, að láta stjórn sjóðsins í té allar þær upplýsingar um heilsufar sitt, sem nauðsynlegar eru til að dæma um rétt hans til örorkulífeyris.
- 12.6. Stjórn sjóðsins skal lækka eða fella niður örorkulífeyri þeirra öryrkja, sem fá starfsorku sína aftur að nokkru eða öllu leyti.
- 12.7. Sömuleiðis ber stjórn sjóðsins að hækka örorkulífeyrinn, ef örorkan vex til muna og án sjálfskaparvita frá því, sem hún var metin við fyrri ákvarðanir, enda hafi öryrkinn haldið áfram iðgjaldagreiðslum til sjóðsins af tekjum, er hann kann að hafa haft af störfum, er hann áður greiddi iðgjöld af, eða öðrum störfum, er hann hefur tekið upp í þeirra stað.
- 12.8. Örorkulífeyrir fellur niður, er taka ellilífeyris hefst.
- 12.9. Ellilífeyrir öryrkja skal ákveðinn þannig, að bætt skal við áunnin stig þeim stigum, sem við úrskurðun örorkulífeyrisins voru reiknuð honum fram til 67 ára aldurs, ef um algera örorku er að ræða, en ella því broti þessara stiga, er svarar til örorkustigsins. Ekki skal þó slík viðbót hvert einstakt ár vera meiri en svo, að öryrkinn fái í hæsta lagi eitt stig fyrir árið.

13. gr.

Makalífeyrir.

- 13.1. Nú andast sjóðfélagi, sem greitt hefur iðgjöld til sjóðsins undanfarandi þrjú ár og samanlagt öðlast a.m.k. eitt stig skv. 10. gr. eða hefur á þeim tíma notið elli- eða örorkulífeyris úr sjóðnum, og á þá eftirlifandi maki rétt á lífeyri úr sjóðnum.
- 13.2. Upphæð makalífeyris er hundraðshluti af grundvallarlaunum, eins og þau eru á hverjum tíma, sbr. 2. mgr. 10. gr., og nemur hundraðshluti þessi samanlögðum stiga-fjölda, sem sjóðfélaganum er reiknaður, margfölduðum með 0.8.
- 13.2.2. Hafi sjóðfélagi verið orðinn fullra 67 ára, er hann lést, skal miðað við áunnin stiga-fjölda skv. 10. gr., þó með viðbót skv. síðustu mgr. 12. gr.

- 13.3. Nú hefur sjóðfélagi gengið í hjónaband, eftir að hann var orðinn 60 ára eða á þeim tíma, er hann naut lífeyris úr sjóðnum, eða hann var lagstur banaleguna, og úrskurðar þá stjórn sjóðsins, hvort eftirlifandi maki hans skuli njóta lífeyris úr sjóðnum eða eigi.
- 13.4. Réttur til lífeyris skv. þessari grein fellur niður, ef hinn eftirlifandi maki gengur í hjónaband að nýju, en kemur í gildi, sé hinu síðara hjónabandi slitið, enda veiti hið síðara hjónaband eigi rétt til hærri lífeyris úr sjóðnum. Veiti hið síðara hjónaband rétt til lægri lífeyris úr sjóðnum, skal einungis greiða mismuninn.

14. gr.

Barnalífeyrir.

- 14.1. Nú andast sjóðfélagi, sem greitt hefur iðgjöld til sjóðsins undanfarandi þrjú ár og samanlagt öðlast a.m.k. eitt stig skv. 10. gr. eða hefur á þeim tíma notið elli- og örorkulífeyris úr sjóðnum, og eiga þá börn hans og kjörbörn, er hann lætur eftir sig og yngri eru en 20 ára, rétt á lífeyri úr sjóðnum til 20 ára aldurs.
- 14.2.1. Upphæð barnalífeyris hvers barns er hundraðshluti af grundvallarlaunum, eins og þau eru á hverjum tíma, og nemur hundraðshluti þessi samanlögðum stigafjölda, sem sjóðfélagi er reiknaður skv. 13. gr. margfölduðum með 0.1.
- 14.2.2. Eigi barnið hvorki foreldri né kjörforeldri á lífi, skal þó margfalda stigafjöldann með 0.2.
- 14.3.1. Sama rétt öðlast börn og kjörbörn þeirra sjóðfélaga, er njóta elli- og örorkulífeyris úr sjóðnum til barna eða kjörbarna örorkulífeyrisþega skuli vera jafnmargir hundraðshlutar af fullum barnalífeyri skv. 2. mgr. þessarar greinar og örorkustig sjóðfélagens segir til um.
- 14.3.2. Miða skal lífeyri skv. þessari málsgrein við sama stigafjölda og elli- eða örorkulífeyririnn miðast við.
- 14.4. Fósturbörn, er sjóðfélagi hefur framfært að mestu eða öllu leyti, njóta sama réttar og börnum og kjörbörnum er veittur hér að framan.

15. gr.

Endurgreiðsla iðgjalda.

- 15.1.1. Nú andast sjóðfélagi og lætur eftir sig maka, án þess að lífeyrisréttur stofnist skv. 13. gr., og á þá hinn eftirlifandi maki rétt á að fá endurgreidd með vöxtum iðgjöld þau, sem greidd hafa verið vegna sjóðfélagens.
- 15.1.2. Sama rétt eiga börn innan 20 ára aldurs, ef lífeyrisréttur stofnast ekki skv. 14. gr. og sjóðfélagi lætur ekki eftir sig maka.
- 15.1.3. Vextir skv. þessari málsg. skulu vera jafnháir vöxtum af innstæðu á 6 mánaða sparisjóðsbók hjá Landsbanka Íslands. Hverfi bankinn frá slíkum innlánskilmálum, ákveður stjórn sjóðsins vextina með hliðsjón af sparisjóðsvöxtum að öðru leyti.
- 15.2.1. Nú verður sjóðfélagi öryrki eða nær 67 ára aldri án þess að eiga rétt á lífeyri úr sjóðnum, og er þá stjórn sjóðsins heimilt að endurgreiða með vöxtum iðgjöld þau, sem greidd hafa verið hans vegna.
- 15.2.2. Ennfremur er stjórn sjóðsins í öðrum tilvikum heimilt að endurgreiða sjóðfélagi iðgjöld, ef sérstaklega stendur á og áunnin réttindi ná ekki einu stigi.

16. gr.

Flutningur í aðra sjóði.

- 16.1.1. Hætti sjóðfélagi iðgjaldgreiðslu til sjóðsins og gerist jafnframt sjóðfélagi í öðrum lífeyrissjóði, sem stofnaður er með lögum eða nýtur viðurkenningar fjármála-

ráðuneytisins, er stjórn sjóðsins heimilt að endurgreiða með vöxtum öll iðgjöld, sem greidd hafa verið vegna hans.

- 16.1.2. Sama gildir, ef sjóðfélaginn kaupir sér lífeyri hjá tryggingafélagi eða stofnun, sem starfar eftir reglum, er fjármálaráðuneytið samþykkir.
- 16.1.3. Það er skilyrði fyrir endurgreiðslunni, að hún gangi til kaupa á lífeyrisréttindum fyrir viðkomandi mann í þeim sjóði, er hann flyst til, eða hjá tryggingafélagi eða stofnun, svo sem að framan greinir.
- 16.2. Aldrei má endurgreiða hærri fjárhæð en þarf til þess að kaupa réttindi í sjóði, sem flust er til, er svari til iðgjaldagreiðslutíma í Lífeyrissjóði lækna.
- 16.3. Það skal ennfremur sett sem skilyrði fyrir endurgreiðslu skv. þessari grein, að tilsvarendi takmarkanir gildi um endurgreiðslu eða endurkaup, þar sem réttindi eru leyfð, eins og eftir þessari reglugerð.
- 16.4. Fé, sem yfirfært kann að verða úr öðrum lífeyrissjóði, veitir ekki frekari endurgreiðslurétt en gildir í sjóðnum, sem það er yfirfært úr.

17. gr.

Greiðslur lífeyris.

- 17.1. Lífeyrir greiðist mánaðarlega eftir á, í fyrsta sinn fyrir næsta mánuð eftir að lífeyrisréttur stofnast, og í síðasta sinn fyrir þann mánuð, er réttur til lífeyris fellur úr gildi.
- 17.2. Sé lífeyris ekki vitjað í 5 ár getur stjórn sjóðsins úrskurðað, að rétturinn til greiðslu falli niður, og rennur þá fjárhæðin til sjóðsins.

18. gr.

Bann við framsali og veðsetningu.

- 18.1. Óheimilt er að framselja eða veðsetja lífeyriskröfur skv. reglugerð þessari.

19. gr.

Gerðardómur.

- 19.1. Rísi ágreiningur út af reglugerð þessari milli sjóðsstjórnar annars vegar og sjóðfélaga, eftirlifandi maka hans eða fjárhaldsmanns ólögráða barns, kjörbarns eða fósturbarns hans hins vegar, getur hinn síðar nefndi lagt málið fyrir gerðardóm.
- 19.2. Skal hvor aðili skipa einn gerðardómsmann af sinni hálfu, en síðan koma gerðardómsmenn þessir sér saman um oddamann.
- 19.3. Verði ekki samkomulag um oddamann, skal hann tilnefndur af yfirborgardómaranum í Reykjavík.
- 19.4. Úrskurður gerðardóms er bindandi fyrir báða aðila og verður ekki lagður fyrir dómsstóla.
- 19.5. Kostnaður við gerðardóminn skiptist milli aðila eftir mati dómsins.

20. gr.

Breytingar á reglugerðinni.

- 20.1. Til breytinga á reglugerð þessari þarf 2/3 greiddra atkvæða á aðalfundi sjóðsins.

Með tilvísun til laga nr. 55/1980 staðfestist reglugerð þessi hér með.

Fjármálaráðuneytinu, 20. mars 1997.

F. h. r.

Áslaug Guðjónsdóttir.

Margrét Gunnlaugsdóttir.